



## XALQARO NIZOLARNI TINCH YO‘L BILAN HAL ETISH VOSITALARI

Habibullayeva Sadoqat Baxtiyor qizi

Toshkent davlat sharqshunoslik universiteti

Siyosatshunoslik yo‘nalishi 3-kurs talabasi

**Annotatsiya:** *Xalqaro nizolarni tinch yo‘l bilan hal etish huquqi — davlatlararo nizolarni tinchlik vositalari bilan barqarorlashtirish tartibini belgilab beradigan prinsiplar va normalar majmuyidir. Xalqaro huquqning bu mustaqil sohasi negizida nizolarni tinch yo‘l bilan hal etish prinsipi yotadi. Bu prinsip nizolarni faqatgina tinch yo‘l bilan hal etish vositalari bilan barqarorlashtirish majburiyatini yuklaydi. Yana bir prinsip mavjud bo‘lib, bu nizolarni tinch yo‘l bilan hal etish vositalarini erkin tanlash prinsipidir.*

**Kalit so‘zlar:** *Siyosat, O‘zbekiston, xalqaro huquq, BMT, Xalqaro nizo, Xalqaro sud.*

## СРЕДСТВА МИРНОГО РАЗРЕШЕНИЯ МЕЖДУНАРОДНЫХ СПОРОВ

**Аннотация:** *Право на мирное разрешение международных споров - определение порядка стабилизации межгосударственных споров мирными средствами представляет собой набор принципов и норм. Эта самостоятельная область международного права основана на принципе мирного разрешения споров. Этот принцип налагает обязательство стабилизировать споры только мирными средствами. Есть еще один принцип – принцип свободного выбора средств мирного разрешения споров.*

**Ключевые слова:** *политика, Узбекистан, международное право, ООН, международный спор, международный суд.*

## MEANS OF PEACEFUL RESOLUTION OF INTERNATIONAL DISPUTES

**Abstract:** *The right to peaceful settlement of international disputes - defining the procedure for stabilizing interstate disputes by peaceful means is a set of principles and norms. This independent field of international law is based on the principle of peaceful settlement of disputes. This principle imposes the obligation to stabilize disputes only by peaceful means. There is another principle, which is the principle of free choice of means of peaceful settlement of disputes.*

**Key words:** *politics, Uzbekistan, international law, UN, international dispute, international court.*

Xalqaro huquqning bu mustaqil sohasi negizida nizolarni tinch yo‘l bilan hal etish prinsipi yotadi. Bu prinsip nizolarni faqatgina tinch yo‘l bilan hal etish vositalari bilan barqarorlashtirish majburiyatini yuklaydi. Yana bir prinsip mavjud bo‘lib, bu nizolarni tinch yo‘l bilan hal etish vositalarini erkin tanlash prinsipidir. Xalqaro to‘qnashuvlarni tinch yo‘l bilan hal etish to‘g‘risidagi Konvensiya 1899-yili Gaaga tinchlik konferensiyasida qabul qilingan. Shundan buyon mazkur muammoga bag‘ishlangan qator xalqaro-huquqiy aktlar



qabul qilindi. BMT Ustavida mazkur masalaga taalluqli alohida bob mavjud. BMT Bosh Assambleyasi bu borada bir qancha rezolyutsiyalar qabul qilgan va ular orasida 1982-yilgi Xalqaro nizolarni tinch yo'l bilan hal etish to'g'risida Manila deklaratsiyasi alohida ahamiyatga molik. Shuningdek, bu sohada ko'plab mintaqaviy hujjatlar ham qabul qilingan. «Xalqaro nizo» atamasi ikki xil, ya'ni tor va keng ma'nolarda qo'llanadi. Tor ma'noda muayyan ishtirokchilar, yetarlicha ochiq-oydin o'zaro da'volar, muayyan aniq bir predm et bilan bog'liqlikni ifodalovchi vaziyatlarga tushuniladi. Keng ma'nodagi xalqaro nizo deganda, davlatlararo munosabatlarda yuzaga keladigan va ko'pincha «vaziyat» deb ham ataladigan har qanday nizoli holatlar anglashiladi. Bu borada BMT Ustavida xalqaro tinchlik va xavfsizlikni saqlab turishga tahdid solishi mumkin bo'lgan vaziyatlarga alohida toifa sifatida e'tibor qaratilgan (34-modda)

«Nizo» bilan «vaziyat» iboralari o'rtasidagi tafovut yuridik ahamiyatga ega. Nizo BMT Xavfsizlik Kengashida ko'rib chiqilayotganda Kengashning nizoda ishtirok etayotgan a'zosi ovoz berishdan tiyilishga majbur, «vaziyat» ko'rib chiqilayotganda esa bunday majburiyat talab etilmaydi. Tinchlikka tahdid soluvchi nizolarga nisbatan BMTning Xavfsizlik Kengashi alohida huquqlardan foydalanish imkoniga ega. U bunday nizolarning har qandayini o'z tashabbusi asosida o'rganib chiqishi, uni barqarorlashtirish yuzasidan tegishli protseduralarni tavsiya etishi,

shuningdek, nizoni hal etish shartlarini taklif qilishi mumkin. Bundan tashqari, BMT Ustavida nizolaming yana ikki xil toifasi ko'rsatilgan. Bularga yuridik va boshqa nizolar kiradi. Yuridik nizolarning ajratib ko'rsatilishi nisbiy ahamiyatga ega. Xalqaro sud Statutida yuridik nizolar sirasiga, av alo, shartnom ani talqin etishga, xalqaro huquqqa tegishli har qanday masalaga, xalqaro majburiyatlarning buzilganligini ko'rsatuvchi faktlar mavjudligiga, majburiyatni buzganlik uchun undirib olinadigan to'lovlarga taalluqli nizolar kiritilgan. Amaliyot shuni ko'rsatmoqdaki, davlatlar siyosiy, ya'ni noyuridik nizolar, ayniqsa, davlatning muhim manfaatlariga daxldor nizolarni uchinchi bir tom onga ko'rib chiqish uchun topshirmasdan, ikki tomonlama asosda hal etishni afzal biladi.

BMT Ustavining 33-moddasiga muvofiq, davom etishi xalqaro tinchlik va xavfsizlikka tahdid solishi mumkin bo'lgan har qanday nizoda ishtirok etayotgan tomonlar, avvalo, nizoni muzokaralar, o'rganib chiqish, vositachilik, sulh, arbitraj, sudlov ishi, mintaqaviy organlarga yoki bitimlarga murojaat qilish yo'li yoxud o'zi tanlagan boshqa tinch yo'l bilan hal etish vositalari bilan hal etishga intilmog'i zarur.

Xalqaro tashkilotlarning nizolarni hal etishdagi o'rni ustuvor darajada siyosiy mazmun kasb etsa-da, baribir ishtirokchilaming xalqaro huquqqa muvofiq ravishda harakat qilishi talab etiladi. Siyosiy protsedura, asosan, tomonlarning pozitsiyalarini yaqinlashtirish va ular o'rtasida kelishuvga erishish maqsadlariga qaratiladi. Birlashgan Millatlar Tashkilotida Bosh Assambleya va Xavfsizlik Kengashi nizolashayotgan davlatlarni nizoni hal etish borasida har qanday tinch yo'l bilan hal etish vositasidan foydalanishga da'vat etishi mumkin. BMTga a'zo bo'lmagan davlat o'zi ishtirokchi tom on hisoblangan har qanday nizo haqida BMT Bosh Assambleyaga yoki Xavfsizlik Kengashiga ma'lum qilishi mumkin.

Har qanday nizo yoki ixtilofga olib kelishi yoxud nizo qo'zg'ashi mumkin bo'lgan vaziyatlar tinchlik-osoyishtalikka tahdid solishda davom etishi mumkin yoki yo'qligini



aniqlash maqsadida BMT Xavfsizlik Kengashi ularni o'rganib chiqishi mumkin. BMTning har qanday a'zosi ana shunday nizo yoxud vaziyat haqida Xavfsizlik Kengashiga ma'lum qilish huquqiga ega. Bu kabi holatlarda Xavfsizlik Kengashining rezolyutsiyalari tavsiyaviy ahamiyatga ega bo'ladi. Tom onlarning o'zaro kelishuviga ko'ra har qanday nizo ko'rib chiqish uchun BMTning Xavfsizlik Kengashiga topshirilishi mumkin va bunday hollarda Xavfsizlik Kengashi tegishli tavsiyalar beradi. Masalan, Malta va Liviya o'rtasida 1980-yilda yuzaga kelgan kontinental shelfni belgilash to'g'risidagi nizo bo'yicha BMTning Xavfsizlik Kengashi Xalqaro sudga murojaat qilishni tavsiya etgan va ushbu tavsiya bajarilgan. BMTning Bosh Assambleyasi Ustav doirasida har qanday masalani, shu jumladan, xalqaro nizolarni muhokama etish va tegishli qarorlar qabul qilish huquqiga ega. U davlatlar o'rtasidagi do'stona munosabatlarga ziyon yetkazishga qodir bo'lgan har qanday vaziyatni tinch yo'l bilan barqarorlashtirishga oid ko'riladigan tegishli choralarni tavsiya etishi mumkin. Barcha mintaqaviy xalqaro tashkilotlar nizolarni hal etishda birbiriga o'xshash bo'lgan mexanizmlardan foydalanadilar. *Yevropada xavfsizlik va hamkorlik tashkiloti (YXHT)* 1992-yilda Sulh va arbitraj to'g'risidagi konvensiyani qabul qilgan bo'lib, unda YXHT doirasida Sulh va arbitraj palatasini ta'xis etish ko'zda tutilgan. Palataga murojaat qilishdan oldin, nizolashayotgan tomonlar boshqa vositalar, birinchi navbatda, muzokaralardan foydalanishlari darkor. Bular natija bermagan taqdirda tom onlardan har biri nizoni shu munosabat bilan tuziladigan sulh komissiyasi ixtiyoriga topshirishi mumkin. Bunda boshqa tomonning, agar tegishli nizo o'zining hududiy yaxlitligiga daxldor ekani to'g'risida bayonot bermasa, roziligi talab qilinmaydi. Bu boradagi ishlaming natijasi xalqaro nizoni tinch yo'l bilan hal etish to'g'risidagi takliflardan iboratdir. Agar muayyan tom onlardan biri ana shu takliflarga rozi bo'lmasa, ular YXHTning Vazirlar kengashiga topshiriladi. Arbitraj yurisdiksiyasi fakultativ mazmunga ega. Nizolarni uning ixtiyoriga topshirish uchun tom onlarning roziligi bo'lishi kerak. Yevropa Kengashi 1957-yilda Nizolarni tinch yo'l bilan hal etish to'g'risidagi Yevropa konvensiyasini qabul qilgan. Konvensiyada, Xalqaro sud Statutida bo'lganidek, nizolar yuridik va boshqa xil nizolarga ajratilgan. Konvensiyadagi tom onlar yuridik nizolarga nisbatan sudning majburiy yurisdiksiyasini qabul qilgan. Buning natijasi o'laroq, tomonlarning har biri boshqasining rozilgisiz ham nizoni sudga topshirishi mumkin. Noyuridik nizolar uchun esa sulh (murosa) protseduralari va arbitraj ko'zda tutilgan.

*Murosa vositalari* suveren davlatlarning o'zaro munosabatlarida yuzaga kelgan nizolar va kelishmovchiliklarni tinch yo'l bilan barqarorlashtirishda muhim o'rin tutadi. Bu vositalarning mazmuni-mohiyatiga kelsak, bunda nizo tomonlar o'rtasidagi bevosita muloqot va bitimlar yordamida barham topadi. Nizolarni tinch yo'l bilan hal etish vositalariga quyidagilar kiradi:

- 1) muzokaralar;
- 2) maslahatlashuvlar (konsultatsiyalar);
- 3) xayrixizmatlar;
- 4) vositachilik;
- 5) faktlarning aniqlanishi (tergov protsedurasi);
- 6) sulh (murosa protsedurasi)



Muzokaralar tom onlarning o'zaro ma'qul bir bitimga erishish maqsadiga qaratilgan bevosita aloqalami anglatadi. Shartnoma amaliyotida «nizolar diplomatik kanallari bo'yicha hal etiladi» degan qoida qabul qilingan. Muzokaralar olib borish alohida tashkiliy tayyorgarlikni talab etmaydi, bu jarayon davomida nafaqat siyosiy, balki yuridik masalalar ham uchinchi tomon aralashuvisiz hal etilishi mumkin.

Muzokaralar ikki tomonlama, shuningdek, ko'p tomonlama bo'lishi mumkin. Har qanday vaziyatda ham muzokaralar vijdonan olib borilishi zarur. Muzokaralar umumiy qoida tariqasida nizolarni hal etishning boshqa xil vositalaridan oldin bo'lib o'tadi. *Maslahatlashuvlar* (konsultatsiyalar) — muzokaralarning bir turi bo'lib, ikki xil ko'rinishda bo'ladi: alohida rasmiyatchiliklarsiz ayni bir vaqtdagi muloqot; muayyan bitim ijrosini nazorat etish yoki davlatlar o'rtasidagi munosabatlarni umumiy monitoring qilish maqsadida amalga oshiriladigan muntazam bir shakldagi muloqot. Ko'pincha maslahatlashuvlar rasmiy muzokaralardan oldin bo'lib o'tadi. Bir qator xalqaro shartnomalarda kelishmovchiliklarni maslahatlashuvlar va muzokaralar yo'li bilan barqarorlashtirish ko'zda tutilgan.

*Xayrli xizmatlar* uchinchi tom onning nizolashayotgan tomonlar o'rtasida bevosita aloqa o'rnatish borasidagi faoliyatidir. Xayrli xizmatlar davlat, uning mansabdor shaxsi, xalqaro organ yoki tashkilot, ularning mansabdor shaxslari, nufuzli xususiy shaxs tomonidan ko'rsatilishi mumkin. Xayrli xizmat ko'rsatish uchun nizoning barcha ishtirokchilaridan rozilik olinishi kerak. Ba'zi hollarda tom onlar uchinchi tom onning muzokaralarda bevosita ishtirok etishi va imkon qadar kengroq vakolatlarga ega bo'lishiga rozilik bildiradi. Bunday hollarda xayrli xizmatlar *vositachilikka* aylanishi ham mumkin. Masalan, 1962-yilgi Karib krizisi davrida SSSR BMT Bosh kotibining xayrli xizmatlariga rozilik bildirgan va bu AQSH bilan muzokaralar boshlashga ko'mak bergan, natijada esa yirik davlatlar o'rtasida yadro mojarosi yuzaga kelishi xavfiga barham berilgan.

*Vositachilik* — nizoni hal etish yo'llaridan biri bo'lib, bunda uchinchi tomon nizolashayotgan tomonlama o'zaro da'volar bo'yicha kelishtirish va ularga ma'qul keladigan takliflarini kiritish uchun muzokaralarda ishtirok etadi. 1899 va 1907-yillardagi xalqaro to'qnashuvlarni tinch yo'l bilan hal etish to'g'risidagi Gaaga konvensiyalarida belgilanishicha, vositachining roli tomonlama nizoli da'volar yuzasidan kelishtirish va ularning bir-biriga bo'lgan qarama-qarshilik kayfiyatini tarqatib yuborishdan iboratdir.

Vositachi vazifasini davlat ham, xalqaro organlar va tashkilotlar ham, shuningdek, alohida shaxslar ham bajarishi mumkin. BMT Bosh Assambleyasi va BMT Xavfsizlik Kengashining Bosh kotibi orqali ko'p marotaba vositachilik vazifasini bajarilgan. 1952-yilda Hindiston va Pokiston o'rtasida Xalqaro tiklanish va taraqqiyot banki vositachi bo'lgan. 1979-yili Chili bilan Argentina o'rtasidagi nizoda esa katoliklar kardinali vositachilik qilgan.

Hayrli xizmatlar va vositachilik protseduralarining o'ziga xosligi shundaki, ular norasmiy va maxfiy holda o'tkaziladi. Vositachining takliflari tomonlar uchun majburiy ahamiyatga ega emas. Vositachilik natijalari qo'shma kommyunike, bitim yoki jentelmencha kelishuvda o'z aksini topadi.

*Faktlarning aniqlanishi (surishtiruv protsedurasi, tergod)* — nizo negizida yotgan faktlarni, xususan, bitimlarni buzish faktlarini aniqlash zarurati yuzaga kelganda qo'llaniladigan





protsedura hisoblanadi. Bunday hollarda, odatda, tomonlarning teng sonli vakillaridan iborat qo'shma komissiya tuziladi. Ba'zan komissiyaga uchinchi tomon vakillari ham kiritiladi. Ba'zida komissiya o'rnini alohida shaxs, xususan, muayyan tashkilotning mansabdor shaxsi o'tashi ham mumkin. 1963-yilgi «Faktlarni aniqlash usullari to'g'risidagi masala» rezolyutsiyasida BMT Bosh Assambleyasi bu vositaning, xususan, xalqaro tashkilotlar doirasida faktlarni xolislik bilan aniqlashning ahamiyatini alohida ta'kidlagan.

Protsedura tomonlarga tinglash, guvohlardan surishtirish, tegishli joylarni borib ko'rishdan iborat bo'lishi mumkin. Protsedura natijalari tom onlarga ma'lum qilinadigan hisobotda aks etadi. Ayrim shartnomalarda faktlarning aniqlanishi yakunlariga katta e'tibor qaratiladi. *Sulh (murosa protsedurasi)* o'zida faktlarning aniqlanishi va vositachillikni birlashtiradi. Odatda, sulhni murosa komissiyasi amalga oshiradi. Bunday komissiya xalqaro nizo predm etini aniqlaydi, tegishli ma'lum otlarni to'playdi va tomonlarni kelishtirishga intiladi. Komissiya o'z faoliyati natijalari haqida nizolashayotgan tomonlarni xabardor qiladi. Deyarli siyosiy usul hisoblangan murosa vositalaridan farqli o'laroq, xalqaro nizolarni hal etishning sudlov vositalari qaror qabul qilish asosida ham, protsess, ya'ni jarayon sifatida ham yuridik mazmun kasb etadi. Sudlov ishidan maqsad, murosa protsedurasida bo'lgani kabi o'zaro kelishuv bitimiga erishishdan iborat emas, balki nizoni sudlov organi yoki tom onlarning o'zi hal etishi uchun qo'llanadigan huquqiy normalarni o'rnatishdan iboratdir. Ammo, sudlov organi barcha xalqaro nizo ishtirokchilarining manfaatlarini hisobga oladigan tegishli qaror chiqarishga intilmas ekan, degani emas. Murosa protsedurasida yakuniy qarorni tomonlar chiqaradi, sudlov protsedurasida esa bunday qaror xalqaro organ tom onidan chiqariladi. Uning qarori tomonlar uchun yuridik majburiy kuchga egadir. Xalqaro nizolarni hal etishning sudlov protsedurasi arbitraj va sud yo'li bilan amalga oshiriladi.

*Xalqaro sud* — doimiy asosda faoliyat yuritadigan, mustaqil sudyalardan tashkil topgan, nizolarni xalqaro huquq asosida hal etadigan va yuridik majburiy kuchga ega qarorlar chiqaradigan muassasa. Doimiy asosda faoliyat yuritadigan sud xalqaro huquq normalarini qo'llash va talqin etish borasida izchillik bilan ishlashga arbitrajga nisbatan ko'proq moslashgan.

#### ADABIYOTLAR RO'YXATI:

1. Hozirgi zamon halqaro huquqi nazariyasi asoslari.
2. Xalqaro huquq darslik
3. [www.ziyo.com](http://www.ziyo.com)
4. [www.hozir.org](http://www.hozir.org)